

علوم اقتصادیه و اجتماعیہ

مجموعہ علمکار

مز آیک برنجی کوئی نشر اول نور

مؤسسی

احمد شعیب ، رضا توفیق ، محمد ہاریر

مقدمات

پورسہ معاملات . — حقوق اساسیہ بہ مسئل : رضا
توفیق . — روسیہ : احمد شعیب . — فردیون و نوساویون :
بدیع پوری . — حکومت و حریت خندہ سینٹرک فلسفہ سی :
رضا توفیق . — فرانسیہ اغلال کبری : احمد شعیب . —
سوسالیزم خندہ تشیمات : علی کامی . —

مدیر و صاحب امتیازی :

محمد ہاریر

نظمی : ۱۰ غروش

استانبول

امور اداره و تحریر : ملقبہ مطبعہ سی

۱۳۲۶

سوسیالیزم حقنده تنقیدات

سوسیالیزم افکاری بزدهده انتشاره باشلادی . زمان مسلکک
تغوا مضنه واقف سوسیالیستلر یتشدیره جک . حتی بو مسلک اربابنک ناشر
افکاری اولمق اوزره « اشتراک » نامیه بر غزته بیه ظهور ایتدی .
واقعا سوسیالیزم اساساً فقرای زکیئرله ، ضعفا ی قویله قارشی محافظه
ومدافعه ایتمک حس اصیلانه سیاه تأسس ایتشدیر . مسئله یه بو نقطه نظر دن
باقیلینجه سوسیالیست اولیه جق پک آز کیمسه قالیر . فقط بو مقصدک
حصولی ایچون تطبیق ایدلک ایستیلن اصوللر ، تصورلر جدی برنظرله
تدقیق ایدیلینجه ایش باشقه لاشیر . اوزمان کندی اک زیاده سوسیالیست
ظن ایدنلردن بر چوغی « یوق ، بن بو فکرده دکل . » دیمکه مجبور
اولور . اولنرک سفالت بشر به یه خاتمه چکمک ادمای مرغوبیه بعضاً
اولیه غریب ، اوقدر ناقابل اجرا تکلیفلری واردرکه عالینده بولنانلری
کولودردیکی قدر لهنده بولنانلری ده دوشوندورر . سوسیالیستلرک افکاری
ته جهتلرجه معقول ونه کی نقطه لرده مجروح اولدینی اکلا شلمق اوزره
بولنرک اقسامنی وهر قسمک کندی نه کوره مسلک وادعاسی نهدن عبارت
اولدینقی مجملأ کوزدن کچیرمه دن اول سوسیالیزم مسئله سنک حدوشه
سبییت ویرن احوال اجتماعیه نهدر ، اونی تدقیق ایدلم :

فقرک ثروته قارشی عصبانی ازلیدر . چونکه بو حس جبلیدر .
انسان همنوعنک کندیسنه تقوقی چکه میور . یالکز ثروتجه دکل اصالت ،
جزیت و اقتدار حتی صحت و فضیلت نقطه نظرندن بیه تقوقی خوش
کور میور . فقط بولنرک هیچ بری ینه ثروت قدر موجب نزاع اولمامشدر .
چونکه مزایای سائره قیماً فطری و طبعیدر . ثروت ایسه انسانلر
طرفدن موضوع بر طاقم قوانین ایجاباتندن اوله رق زکیئرله منحصر

قالیور . اكر زنكىنلر اك عقللى ، اك فضیلتلى ، اك عالم ، اك چالیشقان آدملر اولسه ییدیلر ثروتی بویکی مزایای طبیعیه نك نتایج طبیعیه سی کی تلقی ایدهرك ناچار سکوته مجبور اولوردق . فقط اویاه ده دكل . هر كسك درجه ثروتیاه درجه علم و فضیلت و ذكاسنی مساحه ایدوب آره لرنده بر نسبت تأسیسی ممکن اولسه بونسبتك پك نادراوله رق بعض اشخاصده توافق ایتدیکی کورولور . هله سى ایه ثروت بستیون معكوس بر نسبت کوسترر . ستوهرت میلک آجی براعترافیه ده نابتدر که انسانلر اك چوق چالیشه رق اك زیاده زحمت چكنلری اك آریاره قازانلریدر . بتون کون تارلارده کونشه قارشى چالیشانلر ، معدن قویولرنده افنای وجود ایدنلر ، یوك طاشیانلر ، آتش قارشیسنده قان تره باتانلر بوکا مقابل انجق حوایج ضروریه لرینی استیفا ایدهرك بر اجرت آله بیلمكده درلر .

انسانلر آره سنده ثروت بوقدر معكوس بر نسبتده انتقسام ایتمكله قالمیورده فضله اولهرق بابادن اولاده ده انتقال ایدیور . میدانه او ثروتك استحصاننده مساعی عقلیه و بدنیه سی ذره قدر مصروف اولیان بر میراث یدی چیقیور بومیراث یدی بتون آمال وهوساتی تطمینه کافی بر ثروتك ایرادیله كینه رك چالیشمغه هیچ لزوم کورمیور ؛ بوش طورییور . بوش طورانلر یالکز بونلر اولسه مقداری پك محدود قالیردی . فقط جمعیتك طبقات سافه سنده بولنان برچوق سفیلارده سرمایه لری اولمدینی ایچون ، ایش بوله مدقلری ایچون بوش طورییورلر . بونلر بو محرومیته ابدیاً محکوم اولدقلرینی کورده رك نصل نومیدانه بر عطلاته ترك نفس ایدیورلر سه اوتنه کیلرده مزهری ومذهب رؤیالریله حیاتی ینه اوقدر بوش وعاطلانه کچیریورلر . بوضورتله جمعیت بشریه ایچون یوکسك طبقه لرده ایشسزلك و حایلازلق ، اشاغی طبقه لرده ینه ایشسزلك و فقر و ذلت کی ایکی مرض اجتماعى تحدث ایدیور .

مدنیتك ترتیبی انسانلر آره سنده اوتنه دهری حکم سورن مساواتسزقلری

آزچوق تعدیل ایتدیکی حالده یالکنز ثروتجه اولان مساواتسزلنی دها
 زیاده تشدید ایتشدرد. قانون نظرندده مساوات ، انتخاب صلاحیتک بعض
 ممالکده عمومی طبقات عالییه وسافله آردسندده بر مساوات تأسیسنه خادم
 اولدینی کی معارفکده کیتدجه ترقی و تعممی مزیات علمییه وملکات عقلیهجه
 اولان مساواتسزلنی برطرف ایتکده بولنشدرد. حال بوکه ثروتجه اولان
 فرق واختلاف کیتدجه آرتیورو بونک آرتماسی باشقه درلو مساواتسزلقاریده
 برابر سورو کلیور. چونکشان وشهرت ، ذکا و درایت ، نفوذ واققدارده
 بوکون پاره سز وجوده کله میور ؛ کلسه ده مشر اوله میهرق یأس انکیز بر
 عقامت ایچنده سونوب کیدیور. پاره .. اولمیکه سلطنت ، الهیه مسعدت
 نشوه کامرانی ایله تعزیز ایتدیکی ندماسنی، مقبلائی هر درلو حظوظات نفسانییه
 ولدانذ حیاتییه دن نصیبه دار ایتکده قالسه چوق کورولمز .. اونلره اوزون عمر لر
 ویرمک، حیات، صحت و حریت بخش ایتکده اکتفالیته سه که بونلر آز کوریه جک
 شیردن دکلدر - ینه بلکه چوق کورولمز فقط بو قدرله قالمیور ، اونلره
 فضله اوله رق بر قدرت ، بر قدرت حا کمانه بخش ایدیور. بو قدرت
 سایه سنده کندیلمی مظهر تعالی اولدینی قدر باشقه لری محکوم سقوط
 اولیور. پاردنک بو قدرت حا کمانه سی اوتهدنبری موجود ایدی. فقط
 صوگ زمانلرده آمریقادده تورده ن اوچلیک ، پاموق ، پیرول ، وشومندوفر
 قرالارینک تأسیس ایتدیلمی حکومت مستبدده ، امثالنه تاریخنده تصادف
 اولنه میان بر حا کمتی حائر در. ایشه انسانلری الکی زیاده پاره یه دوشکون ایدن
 بوقوت ، بو جاذبه سلطنتدر. یوقسه هیچ بر ملیور - میلیارد - اولمغه
 لزوم کورمز دی. ذاتاً انسانلر ایتقای حظوظاته استبقای حا کمتی ترجیح
 ایتک میل طبعی سنده در لر. فقط پاره .. یالکنز پاره کی بر معدن خسیسه
 تملکدن عبارت اولان بر فرقک بعض انسانلره بو قدر ممتاز ، بو درجه
 مستثنای بروضیت اجتماعیه بخش ایتسنه بالطبع دیگر انسانلر نظر بی قیدی
 اباه باقه میه جقلدر در .

ایستاتستیکلر اور وپادہ عمرطییعی؁ وسطینک فقرایہ نسبتہ زکینلردہ۔
ایکی مثلی اوزون اولدیغنی کوستریور و - مقدرات بشریہ یی بازیچہ هوساتی
ایدینش پری؁ طالعک دلشکن و بی انصاف بر استیازی کی تلقی یه شایان
دکیدرکه - بو فقرانک ثروت عمومیهدن نصیبلری آزا اولمسنه مقابل
ئولومه قارشى؁ خسته لقلاره قارشى ویرکیلری غنادینه آغیر اولیور . یالکز
بو قدرده دکل : اولنرک محبساره؁ منفائره؁ زندانلره ویردکلری قربانلرده
کذلک چوقدر . زیرا ایستاتستیکلرینه کوستریورکه جرم وجنایات صنوف
سافله وسفیهده دها زیاده وقوعه کیور . ققرک هیچ اولمازسه صحت
وفضیلتله توأم اولدیغنی بزه ایناندران اقوال سالفه فن وتجربه نك قطعی
رقملری؁ ریاضی دستورلری قارشیدینده بر بهت عامیانه یه دوشمش وفقرا
ایچون ارتق بوتسلی ده قالماش دیمکدر .

دوتک انقسامنده کی بونستسز لکلرک تولیدایتدیکی حقمر لقلر سعادت
سعادت بشریهدنک تأمیننی غایه آمال ایدینن برچوق حکمای دوشوندره جک
بر ماهیتده ایدی؁ اوتهدنبیری بونی دوشونلراولمش . فقط اوزمانلر بویله
دوشونلردن مرکب بر صنف مخصوص تشکل ایدمه مش . اصل
سوسیالیستلرک ظهوری « نهقونومی پولتیق » ک قوانین ثابته وطبیعیه سی
اربابی طرفدن کشف اولنه رق بونک بر علم مخصوص شکلنده تدوین
اولتسنی تعقیب ایدر .

اوندن صوکره اقتصاديون ایله اشترا کیون اره سنده دورا دور مناقشه لر؁
مباحثه لر باشلار . انکلترده آدان اسمیت؁ ریکاردو؁ مالطاس؁ ستوته رت
میل؁ فرانسه ده ژان باتیست سهی؁ باستیا؁ لئون سه کی اقتصاديونه مقابل
فرانسه ده سن سیمون؁ فوریه؁ پرودون؁ انکلترده اوون Owen؁
آلمانیاده قارل مارکس؁ لاسال کی اشترا کیون ظهور ایدر . فقط سوسیال
لیستلرک غایه املاری براولمقله برابر بوظایه یه وصول ایچون تعقیب اولنه جق
خط حرکتده اختلاف ایتدکلرندن دیدیکمز کی یالکز نهقونومیسترلره

سوسیالیستلر آره‌سنده دکل بالذات سوسیالیستلر آره‌سنده ده برچوق
منازعات قلمیه حصوله کلشدر.

سوسیالیزم مسلک‌نک بدایت تشکل‌دنبری تعقیب ایتدیکی صفحاتی
کوزدن کچیره جک اولورسه ق ثروتک انسانلر آره‌سنده بروجه آتی مقصور
اولان طرز انقسانه کوره اشکال مختلفه سی حقنده بر فکر حاصل ایدرز: [*]

هر کسه مساوی بر پای .

هر کسه درجهٔ احتیاجنه کوره بر پای .

هر کسه درجهٔ ایلاقتنه کوره بر پای .

هر کسه درجهٔ سعینه کوره بر پای .

۱

هر کسه مساوی بر پای

بشریتک دورهٔ صباوتی اخطار ایدن بو طرز انقساندن تاریخنده
نشانلر بولویورز. بیریکمیش عصرلرک سیساری ایچنده منیوس ، لیکورع ،
رومولوس کبی قانونیلرک اراضی یی آیری آیری هر فرده دکلسهده هر ضائله
مساوات اوزره تقسیم ایتیش اولدقلر یی کور ییورز . فقط بومساوات
دوام ایده میور. انسال دکیشدجه هر شی بوزان وهر شی یاپان زمان او
مساواتی بوزیور. اوحالده زمانک شو حکم ظالمانه سنه قارش ییکیدن بر
معاملهٔ تقسیمیه اجرایی اقتضا ایدیور . بواصول تقسیم اوزمانلر ایچون
بلکه موقهٔ قابل اجرا ایدی . فقط حال حاضرده کی هیئات مدینهده
تطبیق واجراسی فکرنده بولانلر او هام وخیالاته وجود ویرنلدر. ینه
بونک ایچون ایوم اک اختلاجی سوسیالیست فرقه لری آره‌سنده بیله
ثروتک مساواةٔ انقسانمی رأینده بولانلر قالماشدر .

بونکه برابر شو مساوات فکری بتون سوسیالیستلرک ذهننده برایت
بیراقتدن خالی قالماشدر. اونلر ظن ایدیورلرکه جمعیات مدینهده تمرکز

ایدن ثروتک مقداری هر کسی مسعود ایده جک بر مقدارده در . ثروت آنجق بر طاقه انحصار ایتدیکی ایچون میدانده بویه ملیونلرجه سفالت چکن وار : بونلرک حصه لرینی هپ اونلر آلمش بوتقدیرجه اختلال فرقه سنه کوره بو ثروتی اونلرک الندن جبراً آلهرق واعتدال فرقه سنه کورده تکیف مترقی اصولنی وضع ایده رک هر حالده تأسیس مساواته چالیشق ایجاب ایدیور. و بوفکر اکثریتک ازروسه او قدرموافقدرکه درحال قبول اولونیور.

فقط هر ممکنده زنکینلرک مقداری پک محدوددر . ثروت نقطه نظرندن جمعیت بشریه بر شکل هندسی ویرمک لازم کسه پیش نظر مزده جسم بر هرم (اهرام) شکل ایدر. بوهرمک رأسی دنیانک اکثرینکین آدمی تشکیل ایتدیکی کبی قاعده سنی ده اکثر فقیر اولان طبقه تشکیل ایدیور. حال بوکه ثروتک انقسامی بویه بر شکل منتظم تأسیسنه مساعد اولمیدینی وصاحب ثروت اولانلره نسبتاً فقرانک کثرتندن طولانی واسع بر قاعده سفالت اوزرنده سطوح اهرامک مقعریت حاصل ایده رک بر اوق اوجی کبی درحال سیوریلوب یوکسلدیکی ایستاتستیق تدقیقاتیه ثبوت بولمشر. بوندن اکثر شیلیرکه زنکینلرک ثروتی اللرندن آلهرق مساواة بتون انسانلره تقسیم وکندیارینده آنجق برر پای اخراج ایده جک اولسهق نتیجه سنده فقرا زنکین اولیه جق ، بالکثر زنکینلر فقیردوشه جک . بو کون هیالایا طاغیرینی خاک ایله یکسان ایده رک علی السویه کره ارضک سطحنه تقسیم ایتسهک عجباً قاچ سانتیمتره یوکسلمش اولورز ؟

ثروت تقدندن عبارت اولیوب اراضی ، فابریقه لر ، مغازه لر ، اولر ، سندات واسهام ، اشیا ومواد منقوله سائر هپ ثروت دیمک اولدیفندن بونلرده داخل اولدینی حائده فرائسه نک ثروت عمومیه سی اهایلینه تقسیم اولونسه آدم باشنه اوچیز لیرادوشه جکی حساب اولنمشرکه بونک آنجق اوتوز بش لیراسی تقددر. بو حساب اوزرینه آمریقا ده آدم باشنه (۳۲۵) وانکثرده

(۴۵۰) لیراراده سته واران حصه ثروت ایتالیا ایچون انجق (۹۴) لیرادن عبارت قالور. یو تقسیمک دها فقیر مملکتلرده تطبیقی دها شایان مرحمت خارج قسمتله میدان آچه جنی کی ثروت عمومی نك بی بشره تقسیمه ندده دها آز شایان ممنونیت نتیجه لره دسترس اولنه جنی تظاها ایدر.

« نه قدر آز اولورسه اولسون، ینه هر کسک حالی شیمدیکندن اینی اوله جق یا ! » دنیله بیلیر، بو ادعا حقیقه طوغرودر. پک بسیط اولان شو معامله حسابیه نك نتیجه قطعیه سی انکار ایتک بیهوده در. فقط دوشونمه لیدر که او تقسیمی کاغد اوزرنده پایویرمک باشقه، حیات حقیقه ده بالفعل تطبیقانه قالمشقی بتون بتون باشقه در. هادی بو تطبیقانه موجب اوله جنی مشکلات عظیمه دن صرف نظرله تقسیمک کاغد اوزرنده یاپلانی قدر قوللایلقله اجرا اولوندیغی فرض ایدم. او زمان کیمسه تزید ثروت غیرتته دوشه میه جکی کی بیوک سرمایه لرك قوه استحصالیه سی بالطبع تناقص ایده جکندن منابع ثروت برر برر قورویهرق وبو صورتله سندن سته به هر کسک حصه اشتراکی آزاله رق بر مدت صوکره بر سقالت عمومی حکمران اولیه جقمی ؟ دوشونمه لی زکه یوز سته اول بو صورتله تقسیم امواله قرار ویرلش اولاییدی بو کون ثروتی تقسیم ایده جک بر ملیونر دکل حتی اوچ بش یوز لیرالق بر آدم بیله بولونه میه جقدی. وسائیه احتیاج ایله وقوعه کلن کشفیات ایله تزید ثروت، وتأمین سعادت غیرتیله وجوده کتیریلن تشبثات مهمه صناعیه ومدنیه نك هیچ بری حاصل اولیه جقدی. بو ایسه استقباله طوغرو یورومک دکل، ماضیه طوغری دونمک دیمکدر.

§

هر کسه درجه امتیاعیه کوره بریانی

« قومونیزم »

ثروتک هر کسه متساویاً تقسیمی قابل ومعقول اولدینی آکلاشیلیور.

پك اعلا، او حالده بو تقسیمدن واز كچه لمده اموال و املا کی بتون جمعیت بشریه افرادی آراسنده مشترك عد ایدرك بر عائله ایچنده هر کس نصل احتیاجی نسبتنده، استیفای حاجات ایدرسه جمعیت بشریه دده هر فرد اولیه اولسون دیه لم : ایشته سوسیالیستلرك الك ساده واك زیاده قدم کسب ایدن افکاری شو سوزده خلاصه اولنه بیلیر .

یکیلردن ، اسکیلردن بر چوق محرر لر آز چوق بو فکر اشترا کی درمیان ایتشلردر . افلاطونك ، « ره پوبلیك » عنوانی اثر نده ، فه نلونك « تلماق » نده بونی بولدیغمز کبی حیاتنك یکر می یدی سنه سنی محبسه کچیرن قالمپانه للانك « Cité du soleil » نام اثریه هارنتونك Oceana سنده وژان بوده نك کذا « ره پوبلیك » نده هپ افلاطونه پرو اولدقلرینی کوروروز ، بابوف ، روبرت اوون ، قابه بونلرك دها یکیلریدر . فقط قومونیزم مسلکی اوزرینه طاتلی طاتلی خولیلر قورانلر بونك ضمتنده برده آنارشیزم کیزلندیکی کورنجه دوچار حیرت اولدیلر . او زمان قومونیزم « مسلک اشتراك » موده سی کچمکه وحقی بوندن بحث ایتك بر آز کولونج اولمغه باشلادی . واقعه آنارشیزتلك غایه املری طوغرودن طوغرییه بو دکلدر . اونلر شخصیت بشریه نك هر درلو پابند وقیوددن آزاده قالماسی طرفداریدر لر : نه دین ، نه قانون ، نه وطن ، نه مایت ! فقط بو مقصده وصول ایچون اولا قومونیزم مسلکنك آچدینی یولدن یورومك لازم کلیوردی . فی الحقیقه ملکیت شخصیه - نه قدر تحدید ایدیایرسه ایدیلسین - ینه بونلرك وجهه عزیمتلیرینه واجب الرایه بر حدود ، و عزیملرینه قارشى بر سد چکیوردی .

ثروت عمومیه مشترك اولمن وهر کس احتیاجی نسبتنده اوندن استفاده ایتك ! اعلا شی . فقط هر کس احتیاجی نسبتنده استفاده ایده بیلمك ایچون ثروت عمومیه نك بتون بو احتیاجاته کفایت ایده جك درجه ده مبذول اولسی اقتضا ایدر . هر کس یاشامق ایچون صویه وهوایه

محتاجدر، و کره ارضه موجود ضو و هوانک مقداری ده بو احتیاج عمومی به کفایت ایده جک درجه ده در . فقط احتیاجات سائر بشریه بویه میدریا؟ شوراسی محققدر که احتیاجاتمز آملزله توأمدر . « مائل اولدیغمز بر شئی نائلده اولسه قینه راحت ایده مهیر ، او نائلت بزم . ایچون بر چوق شیلره وسیله میلان اولور » [*] ثروت عمومی ایسه بویه کیتدکچه آرتیق استعدادینی کوسترن احتیاجات عمومی به کفایت ایتمکدن پک اوزاقدردر . هم هر کسک درجه احتیاجی نصل آکلاشیله جق ، بونی کیم تقدیر ایده جکدر : هر عائله ده بر رئیس عائله واردر . عائله افرادینک درجه احتیاجینی تعیین و تقدیر ایتمک خصوصنده او ، نوعا بر حق حاکمیتی حائزدر . فقط شیمدیکی قومونستارله آنارشیتارلر هیچ بر حق حاکمیت قبول ایتمکدن مسئله نک بومشکل جهتی حل ایتمک اوزره « اوزمان هر شی کوزللاکله اولور بتر » دیوب ایشک ایچندن چیقمق ایسته یورلر . ارتق هر کسک کندی تقدیرینه کوره بتون احتیاجاتی اموال عمومی بدن استیفا ایتمک حقنی حائز اولدینی فرض اولوندقدن صوکره اورناده تعیین حدود آمال ایچون بر قوه حاکمه ده بولمیدینی تصور اولنورسه انسانلرک قاردهش پایی یاهورق آره لرنده نه درجه به قدر کوزل کینه بیله جکبری طبیعت بشریه به بر آز وقوفی اولانلرک در حال کسدره جکی مسائلدن قالیر .

عجا اشتراکیونک تصورلری بتون بتون خیالمیدر ، و بونک اوفاق بر مقیاسده اولسون نمونه فعلیه سی کوستریله من می ؟ شبهه سز بوسؤاله ردایله جواب ویریله من . تاریخ بزه بونک ممکن الحصول اولدیغنی کوسترمشدر . یالکز تاریخ دکل ، بعض مؤسسات دینیه و بر عصر دنبری آمریقاد تشکل ایدن قومونست جمعیتلرده بونک اوفاق بر مقیاسده قابل اجرا اولدیغنی اثبات ایتمشدر . بوجعیتلرک - بیوک برشی اثبات ایده مهین - موجودیتلری هیچ اولمازسه شونی کوستره بیامشدر که بعض شرائط خصوصیه داخلنده .

اولی شرطیه سعی مشترکه استحصال اولان اموالک استهلاکی ده اشتراک قبول ایدیور. فقط بو موفقیت ظاهره نك نه کی قیود و شروطه تابع اولدیغی ده تدقیق ایدلم :

اولاً : بوجیتلرک اعضای پک محدود اولمق لازم کلوب هر حالده برقاچ یوزی ونهایت برقاچ بیکی تجاوز ایتمه لیدر. فوریه بیه تصور ایتدیکی دارالمساعدیه (Phalanstère) انجق بیک بشیور کیشی باریندیره بیه جکدی. آمریقاده تأسس ایتش بولنانلرده حقیقه پک آز اعضای شاملدرلر. بونک سبی پک میدانددر. فی الحقیقه بریه برجیتک اعضای نه قدر کثرتی اولورسه هر برینک جمعیه اولان مربوطیت وعلاقه سی اوقدر ضعیف اولور. ایکی کیشی مشترکاً برایشه کیریشیرسه حاصل اوله جق نفک ایکیسی آره سنده قاله جفندن امین بولندقلرندن هر ایکیسی ده اوایشک ایلروله سی ایچون جاندن چالیشیر. بواکی کیشی بی ایکی یوز ویا ایکی بیک فرض ایدرسه ک حاصل اوله جق نفک ایکی یوزده ویا ایکی بیکده بری بهرینه اصابت ایده جکندن هرکس کندی سغینک ثمره سی ینه تماماً کندینه عائد قاله جفندن امین اوله میهرق اوقدر جانندن چالیشاز. اعضانک عددی ایکی یوزبیکه ، ایکی مایونه چیقاره جق اولورسه ق نتیجه بتون بتون مشکوک اولور ، کیم چالیشیور ، کیم چالیشمیور. بلای اولماز. وثمره سی عمومینک انجق ایکی ملیونده برجزنندن مستفید اوله بیلامک مجبورتی هیچ بروقت اوایشی ایلری کتورمه که مستعد اولان ذکالرا ایچون مدار تشویق اولماز .

آنارشیستلر « هیچ حکومت اولماسین . کویار ، قصبه لر ، شهرلر مختاریت اداره یه مالک اوله رق بر جمعیت مشترکه حالنده بولنسون » دیورلر. حالوکه هیأت مدنیته نك تکملات سیاسی بو آرزویه معکوس بر جریان تعقیب ایده رک کیتدجه حکومتلره دها بیوک بر قوه اجرائیه بخش ایتکده ، کیتدجه مرکزیت اصولنه رواج ویرمکده در. بز بویه اولمدیغی فرض ایده رک

- بتون اجزای لای تجزای ممالکک مختاریتی قبول ایته سهک بیه اوزمان ده بوناردن بعضی سنک دیگر بعضی سنه نظراً دها زنیکن ، دها معمور واهالیسی دها بختیار اولتی احتمالی دائماً موجود وحتی اقلیم ، طبیعت ارض ، موقع جغرافی ، استعداد عرق جهتاریله بویه براختلافک وقوعی محقق عد اولته جغندن افراد ایچون قبول اولنمیان مساوات سزلقاری ناچار جمعیتلر ایچون قبول ایتمش اولورز .

ثانیاً : بویولده تشکل ایده جک جمعیتلرک پک صیقی برنظام وانتظامه تابع اولمی شرطدر . فی الحقیقه سعی مشترکک استلزام ایتهکی مساوات تامه بوکا مخالف اولان بالجله آمالی سوندورده جک برقوؤ حاکمه انضباطیه نک وجودیه قابل استحصالدر . ذاتاً تجربه ده بونی کوستریور : لیلی مکتبلر ، عسکری قیشلر ، مناستر کی برحیات مشترک حکمران اولان مؤسسه لر کور کورینه بر اطاعت امر ایدن شدتلی برانضباط ایله پایدار اوله بیلیمکده درلر . حتی شایان دقتدر که تشکل ایدن قومونست جمعیتلرک هان جمله سی اللرنده تازیانه انضباط نامیه حسیات مذهبییه . . خیر بونک ده تعصب درجه سی استعمال ایدرلر . بتون آمریقاده کی قومونست جمعیتلری و بومیانده یکانه مثال ویا نمونه امثال اولق لیاقتی کوسترن پاراغوی ژدزویت جمعیتلری ره بانیتک دعوی ازلئ حاکمیتدن باشقه بر مقصد تعقیب ایتمه مشلدر .

بوصورتیه قومونیزم مسلکی لازم غیر مفارق کی کورون آنارشیزم مسلکله طبان طبانیه ضد براساسه تابع اولق مجبوریتنده بولونیور . زیرا آنارشیزم هیچ برقید انضباط ، هیچ برطور حاکمیتی چکه مزمش . ینه کندی جکرندن بویه یارالانان قومونیزم هر حالیه عصرک تمایلات روحیه سنه موافق بر مسلک اولمقدن اوزا قدر .

— ۴ —

هرکس درجهٔ لیاقتش کوره بر پای

« سن سیمونیزم »

بو کون آرتق صحایف منسیه قیلندن قاله رق هیچ کیمسه بی اشغال ایتمه ین بوتصور بر زمانلر اگ اعوجاجلی یینلرک مدار تفکری اولمشدی . آرتق انحق اهمیت تاریخیه سیاه مفتخر اولقله برابر هرکسه درجهٔ لیاقته کوره بر پای ویرمک کبی ساحر و جاذب بر اساسه مستند اولدینی ایچون شو مسلک بر از تشریح ایدلمک دکر .

جمعیت بشریه نك شکل اداره سنی تبدیل ایله انسانلر آرده سنده کی بوزاغ غوغاسنه بر نهایت ویرمک و بتون بو تفاقرله بدل عمومی بر وفاق تأسیس ایتمک خیال دلفرینه فرانسر فیلسوفلرندن (سن - سیمون) ده مغلوب اوله رق بتون عمرینی بو عزم تعب ناپذیر ایله بر مجاهدهٔ دائمه ایچنده کچیرمشدر . « هرکسه درجهٔ لیاقته و هر لیاقته کوسریدیکی آثاره کوره » توزیع ثروت ایدلمسی اساسی وضع ایدره رک سفالت و منکویت ایچنده وفات ایتدکن صوکره آنفانتن ، بازار ، لورو ، بلانکی ، غارنه کبی احبا و تلامیذی کندیسنه پیرو اوله رق نتیجه سنده اساسی هیچ بر شیئه موافق اولامامشلرسده هیچ اولمازسه علوم اجتماعی تاریخنده « (سن سیمونیزم) نامیله بر مسلک بیراقشلارد . بو مسلک اربابی انسانلر آرده سنده فطرهٔ موجود اولان مساواتسزلنی نظر دقته آله رق بو صورتله بناء علیه جبری و غیرطبیعی بر مساوات تأسیسنه دکل ، انحق شخصه کوره معامله ایدره رک توزیع عدالته حصر افکار ایتمشلردر : حقسزلق دکر لی آدملرک سفالت و ضرورت چکمه سنده و دکر سزلرک نائل رفاه و سعادت اولماسنده در . بناء علیه آنادن طوغمه مساواتسزلقلر نهایت بولمالی ، وراثتی فلان قالدیرمالی و بوکامقابل انحق مزیات شخصیه دن متولد اولان عدم مساوات باقی قالمالیدر . فرانسه اختلالی نه یابدی ؟ اصیلزادکن دینلن ثروت موروثه اصحابنک امتیازات

سیاسیه لرینه بر ضربه اوردی ، فقط اک مهم وظیفه سنی ا کمال ایتدی . بونلرک اک زیاده کوزه باتان امتیازاتی امتیازات موروته لری ایدی . مملکتک اک مهم عوامل اجتماعیه سنی بونلر تشکیل ایتدکلرندن هرشیدن اول بو امتیازانی رفع ایتک لازم کلیردی . بابادن اولاده حسیم مالکانه لر قالیور ، بیوک سرمایه لر ، مهم تشبثلر انتقال ایلوری .

اصول وراثتک انغاسی سن سیمونیزم پروغرامنک اک مهم ماده سنی تشکیل ایتشدیر . باقیلر سه شو تکلیفده بر جهت معقولیت کوریلور . خدمات عمومیه نك ارثاً انتقالی شایان مؤاخذه بولورز . زیرا ایشله یں هر ثروت - منافعی صاحبنه عائد اولوق اوزره - بر خدمت عمومیه ایفا ایدر . سن سیمونیستلره کوره مادام که خدمت عمومیدر ، منافعی ده بر نسبت عادلده عمومی اولمالیدر . بونست بر نسبت متساویه اولورسه ینه عدالت یرخی بولماز . زیرا چوق چالیشان وای چالیشانله آز چالیشان ویا هیچ چالیشانلانه فنا چالیشان بر اولاماز . بر طیب ایل بر قالدیرمچی یی مساوی طوتامیز . چونکه ایکسینک جمعیت بشریه خدمتی مساوی دکلدر . مادام که هر صنعت صاحبی اوضعتیله بر خدمت ایفا ایدیور ، حصه استفاده سی ده خدمتیله متاسب اولمالیدر . هر کسی بر طوتار سه ق اکتساب هنر و معارفه کیمسه رغبت ایتمز . وسعادت بشریه یی کافل اولان بونجه ترقیات خط رجعتی سرعتله تعقیب ایدرک بشریت فنا پذیر اولور . بناءً علیه هر کس درجه یی لیاقتنه یعنی سینک درجه اهمیتته کوره بختیار اولمالیدر ، باباسندن میراث ییه رک ، چالیشانان زنکین اوله رق دکل !

کورولیور که سن سیمونیزم مسلکی اک قطعی ضربه لرخی اصول وراثته ایندیرمک ایسته مشدر . فقط ارثاً انتقال ایدن یالکز ثروت و سامان دکلدرکه ! ضعف مریضانه ویا محنتک ، حسن اخلاق ویا سوء اخلاقک ، ذکاوت ویا غباوتک ، کوزلک ویا چیرکینلکک ده ارثاً انتقال ایتدیکنی کوریور واکثر یا بو انتقالاتک قارشی طورولماز بر قانون طبعی شکلنده

انجراى احكام ايتديكىنى آكلایورز. هر یرى جهان دكر بر ثروته معادل اولان و ذاتاً استحصال ثروت خصوصنده ده عوامل مهمه واساسیه دن بولنان صحت ، ذكاوت ، حسن صورت وسیرت كې سجایای مرغوبه نك ارثاً تجلیسنه بر شئ ديه بیلورمى ز؟ اصول وراثتک معاملات بشریه ده تأسى بونك ده ینه طبیعى فروغندن اولدیغنى كوسترر. زیراموتسکیونك دیدیكى كې طبیعى اولیان قانونلر موقه تأسس ایتسهر بيله پایدار اولامازلر. هادی فرض ایدم كه اولیه اولماسین ده اصول وراثتى قالدیرم. درجه لیاقته كوره کندیسنه بيوك بر پای ویردیكمز آدم چوجقلرینك سعادتى كندى سعادتنه ترجیح ایدر بر عائله ریئى ایسه ثروتى اونلرك اغورینه فدا ایتمكدن کندیسنى منع ایدیه بيله جكمى ز؟ « حال جیاتنده صرف ایتسین وشو فدا كارلنى اونك حیاتیه قائم اولسون ! » مى دنیله جك؟ بوندن نه چیقار؟ اوزمان ده هر كس چوانیله چوجو غیله بیه بيله جكى قدر قازانیر. مقتصد بر آدم مشرف اولور. حس تصرف واقصادك زائل اولسیله سرمایهلر تشكلى ایتمز اولور. سرماییه اولمانجه تشبثات ضاعیه طورر، وبشقه سنك مائندن استفاده ایدیه جكم خولیاسنده بولونانلر آچلقدن ، ایشسرلكدن ئولور. هم ینه سن سیمونیستلرك قولنجه مادام كه هر ثروت بر خدمت عمومیه ایفا ایدر. بو خدمتك ایفاسنه واسطه اوله جق كیمسه لری تعین واتخاب ایتك صلاحیتی ینه او ثروتى اکتساب ایدنه عائد اولمق لازم كمرمى؟ اولادمز بو لیاقتى كوستررسه ثروتمزى اونلره بیراقیرز ، كوستررسه ایسته دیکمزه بیراقق صلاحیتی ده حائرز. بو صلاحیتی عائله ریسلرندن رفع ایدرسه ك كیمه تودیع ایدیه جكز؟ حكومه مى؟ دیمك حكومت اموال عمومیه یه وارث اوله رق صوكره بونى كندى تقدیرینه كوره لیاقتلرك درجات مختلفه سنه تقسیم ایدیه جك اولیه مى؟

مابعدى وار

على نامى